



門
號
卷
5
326
19

名山巖洞泉石古蹟卷之十二

吳興歸安山泉慎蒙增選

校正

廣西通誌 桂林府

桂山離江惟桂林 宋范成大云予嘗評桂山之奇

宜為天下第一予登覽太行常山衡高廬阜皆崇高

渾厚雖有諸峰之名徒爾魁然曰山峰云者蓋強名

之其最號奇秀莫如池之九華歛之黃山括之仙都

溫之鴈蕩夔之巫峽此天下同珍之者然皆數峰而

止爾又在荒絕僻遠之瀕非几杖間可得而又必因

重岡復嶺之勢盤亘而來非若桂之千峰旁無延緣
平地嵒然特立玉笋瑤簪森列無際其恠且多如此
誠為天下第一

桂山 府治東北郭三峰連屬城中望之前峰拔起
是多桂焉次峯宛轉一名北山後峰龍從有巖曰疊
綵舊號越王山上有石壇五代時馬殷所築今有馬
王臺二字

獨秀山孤標直聳約五百餘尺周回一里頂平如蒼
玉正而端巖秀整側視如卓筆校諸峰獨雄故名山
上有巖巖下有洞前宋始安太守顏延之讀書其中

名讀書巖後為報恩寺至順壬申順帝以太子謫靜
江寓寺居焉山今在靖江王府中唐張固詩○孤峰
不與衆山倚直入青雲勢未休會得乾坤融結意擎
天一柱在南州

伏波山 府治東北又名巖突起千尺有懸石如柱
去地一線不合俗云馬伏波試劍石又云石柱連出
狀元柱在洞中洞舊名玩珠宋張維易曰還珠張孝
祥大書于石元張湖山歌○桂林有山名伏波蒼崖
翠壁高差峩山根陰崗透水府神奸物怪交搗訶我
來登山復尋崗直涉風浪攀藤蘿無誰可問得名始

各山言
卷之三
賴有殘碣堪摩挲。為言新息昔事漢。老矣矍鑠猶操
戈。提師振旅蹴蠻國。下潦上霧寧憂那。仍聞薏苡能
禦瘴。採之返載數駱駝。一朝明珠肆讒口。倒囊投棄
茲山阿。有云昔有捕魚者。龍宮竊入張網羅。適遭老
髯耽晝寢。攫取明月懷青箬。自知至寶世稀有。惟守
可遺那。歸他守稱賢侯不敢受。亟命返璧無蹉跎。洞
名還珠此二說。無乃好事相傳訛。柳州使君老好古
扁舟况此曾經過。重來邂逅請停楫。君看此事當如
何。使君無言若有得。仰面長嘆春風和。肯將往事擾
胸臆。為我呼酒傾金荷。明朝酒醒湘水上。引帆南去

飛如梭

靈巖山 在靈川縣西北三十里下有巖南北相通
若堂殿水灌其中色如藍山谷百源輻湊其下可通
舟楫宋王安中詩○鑿破巖崖透碧流小舟輕泛入
深幽石鱗映水玻璃皺山勢凌空翡翠浮雲護淵泉
時欲雨寒生洞府夏成秋停橈峭壁題名姓醉墨淋
漓記此遊

南溪山在城南七里曰龍崗下聳拔千尺烟翠凌空
下臨南溪

穿山 城東五里山巔有穴通透望之如輪月掛空

焉

辰山 府城東北一十里山有三巖按舊郡志有云
下巖初入昏黑行十餘步乃明豁右石室穹然坐三
十餘客巖扉西向下瞰平湖山川城郭瞭然在目自巖
扉左登陟磴百餘級至中巖乳石奇恠可駭可愕又
由閣道至上巖巖之巔有小亭放目天際冥濛杳靄
不可窮極嘉泰初士人劉時升始出此巖於荒蕪中
游者驚詫以為桂林諸山之冠經畧李大異謂久晦
弗彰疑為神物所居名曰蟄龍巖

中隱山 城西一十里又名中隱巖俗名佛子巖山

有三巖下巖深廣如橫艘入門行十許步有石乳狀
如人獸轉曲道稍窄若不可進中巖明爽高尺許通
出背巖門垂石乳如羽蓋幢幡飛仙騰虬狀令人玩
之不忍去上巖差小

琴潭山 城西六里群山中有一小山巨石林立如
鋸解刀削其下空洞淵然成潭水流琮瑤如琴聲因
名其水溉田數千畝前有小巖明潔虛廣中有石榻
石琴旁有荔枝岩石門不甚高中則曠然深百餘尺
多滴乳狀如荔枝

象鼻山 訾家洲之西突起水濱形狀類象故名下

有水月洞

鎮南峰

城北朝京門旁有石崖天齊唐大曆中刻

平蠻頌宋狄青平儂智高勒碑于左

屏風巖又名程公巖

城東北五里斷山竝立高百

餘丈中有平地可容百人鍾乳倒垂如瓔珞有石穴

通明逗穴而出山川城郭恍然如在壺中范成大建

壺天觀巖曰空明刻銘于石觀後廢弘治間重建壺

天寺

湘水巖

城東三十里俗號聖水巖夜半則潮上巖

日中則潮下巖每日如常畧不愆期山腹地廣數十

畝群峰環擁或傳三五十年有大潮有異人出

疊絲巖○城北三里大山壁立屏開山巖層層轉至

巖後有亭翼然名越亭今廢重建拱辰望江二亭北

望灘江諸山縈環如畫

曾公巖○七星巖下舊名冷水巖山根石門哈呀中

有澗水東流伏於石下源委不可知宋元豐中曾布

帥桂跨澗爲石橋榜今名橋下水聲泠泠寒氣侵人

橋側有石乳雙懸如垂蓮頽雲危欲下塵度橋有石

四鱗次其中水無乾溢過田縈紆數十步路窄不可

通頽視有石罅尺許匍匐而進復高廣可通棲霞自

左隅數十步出至洞洞名玄風洞旁水清淺不流高岸玉立如削真勝槩也

龍隱巖○城東二里灘江之水分流遶其下其後連屬七星山巖後有洞名龍隱其下水深莫測仰視其上
有龍跡天嶠長竟數丈鱗鬣宛然疑龍蛻去跡印泥上久而化為石也巖內寬廣可容百人巖巔石色蒼翠可愛巖左緣磴而上舊有驂鸞亭後改怡雲今改望江氣象高廣後洞水勢湧激盛暑洗舟如在三峽中

靈秀巖○城西十里有大石室三向虛明穿透左右

隊道數十可通行兩旁皆頽臨曠野

玉乳巖○城西十里極深邃秉燭乃可遊石室穹然中皆石乳瑩如冰玉

雪洞○獨秀山西石壁垂乳潔白如雪唐人有詩刻今滅惟雪洞二字尚存旁有二石如鳳峙號雙鳳石玄風洞○七星山下慶林觀後洞口低下陰風襲人盛暑凜如冰雪

棲霞洞在七星山畔緣磴而上入石門下百步始坦夷可坐數十人高爽明豁盛夏無炎歊火冬溫然石乳凝結殊形怪狀不可勝紀其下復有洞入半里許

名山記 卷之十一 九
遇大壑不可進有路北行頽俚而前數步復寬衍兩
旁十餘丈石乳下垂如玉簪珠旒曲折躋攀始可進
所見益奇又行食頃寒泉怪石交映疊出遊者錯迂
世傳穴通九疑山洞中有老君象舊傳唐明皇所置
宋建炎間經畧李彌大更曰仙李洞洞口有亭曰齊
雲久廢

水月洞○宜山之北其洞門踞江圓如滿月一統志
云濱江三洞惟水月最佳是也宋張孝祥改曰朝陽
岩構亭其上亦曰朝陽

白龍洞○府城南七里俯瞰南溪石室穹窿高爽中

有佛宇唐李渤命曰玄巖後避宋太祖諱易曰白龍
洞

韶音洞 虞山後石竇初入甚窄中則虛明達於皇
澤灣洞門高廣類灣之下水石相激爽氣襲人

還珠洞 伏波山下俯瞰瀰水中可容二十榻戶牖
穿透石如蒼玉旁垂一石柱下至平地不合者纔一

線許俗號伏波試劍石洞中石上有巨人跡紋理如
刻復有紫白二蛟長數丈蜿蜒相向有圓暈直其首

如二龍戲珠狀舊傳漁父得珠事故名或曰漢馬伏
波征交趾回載薏苡經此因得名

名山記 卷之十一 九
陳璉還珠洞辯疑
說桂城伏波山下
四百一十九

名山記
有洞名還珠相傳前代有一漁者因洞口行數百
步深入漸明朗見一物狀如犬躡目而睡前有一
珠甚光瑩因急懷歸官府尋知之意其為異物亟
命還之漁人復至故所此物猶未醒故世傳為還
珠洞或云漢馬伏波征交趾回載薈珠經此因
得名至今未有定論然豪人題此洞詩○稟稟威
聲振百蠻肯將捆載溷溪山無人為起文淵問端
的珠還惹意故還以此觀之廼伏波之事無疑彼漁
人之說涉於怪証

靈川縣

真仙巖 縣西南三里其內穹窿可容數十人石乳
凝結如珠纓寶蓋

龍蟠山 縣東一十五里山下有洞洞門數重遊者
秉燭而入又水產鮪魚四足而有角爾雅云鮪似鮎

四足聲如小兒今商州溪中亦有此魚

乳洞 縣西南十里有上中下三洞其中虛明夏涼
冬溫內有龍田如鑿稜層紆曲水溢不涸洞之澳有
清泉噴出沿石壁左流成溪窈然深黑觸石湍激有
聲洞門左旋而上十步餘至中洞地勢爽塏內有田
數畦左有三石如柱旁有隙可通入石室又承下洞
水氣蒸潤常有煙霧旋擁左有石道曲折凡數百級
至土洞入門平曠有淺水可涉秉炬而入石乳玲瓏
有五色石橫亘其上行數步有石高十餘丈色亦五
彩又有石床石室千態萬狀深入愈奇宋李邦彥名

其洞下曰噴雷中曰駐雲上曰飛霞且自爲之記乾道間張孝祥大書曰上清三洞范成大亦有詩刻洞前有明真寺藏塔院李邦彥又書玉谿橋三字鳴玉洞 縣西南十里餘去渠岸不遠洞門雖狹內極廣大深邃有石乳下懸又有石床石筍石盤諸狀泉聲琮瑋舊名梵音羅震易今名畫山 縣北五十里桂江之上其山九頭竝立丹崖蒼壁望之如繪畫然

廣福巖 縣南二十里又名羅漢洞可坐數百人中

有復閣堂殿兩旁石室如層龕肖羅漢像前有溪流橋中有乳石形如獅狀爲陽朔巖洞之冠宋邑令周大夫所闢

甘巖 縣北七十里屹立灘江之旁如破甕側立中可棹小艇

金鷄洞 縣西十五里中有小江江上乳石璨如龍鱗

華巖 縣西南二十里高數仞可容數榻泉繞洞前又名華巖洞世傳昔有桃花片濶寸許從洞中流出石壁有詩二絕無名氏○巖前流水無人渡洞口碧桃花正開東望蓬萊三萬里等閑歸去等閑來○跨

鶴歸來不計年。洞中流水綠依然。紫簫吹徹無人見。
萬里西風月滿天。此是仙詩
決非凡態

全州

覆金山 州西八十餘里。山有七十二峰。高險峻絕。
凌摩霄漢。絕頂皆石圓如釜。因名。

柳州府

仙奕山 城南。上有穴。穴有屏。有室。有宇。登者得石
枰於其上。黑肌而赤脉。十有八道。可奕。因名。
立魚巖在山半。深邃竒怪。內有三洞相通。門外一望
千里。

屏山 在府城南一里。其形方正。類屏。宋陶弼詩○
一峰高起塞天關。堪作皇家外屏山。可惜化工安着
遠。半遮中國半遮蠻。

白面山 在象州南七里。石壁屹立。橫截大江。中多
白石。俗名掛榜山。

融縣

銅鼓山 在縣西二十里。舊傳諸葛亮散埋銅鼓。以
魘蠻獠。後有得於是山者。故名。又武宣縣西一十里
亦有銅鼓山。下有銅鼓灘。或謂馬援鑄銅鼓於此。或
謂灘如鼓。

真僊巖 在縣東五里仰視高遠青白錯雜靈壽谿貫串中出玲瓏清響如環珮聲中有白石巍然如天尊像舊名靈巖山又名老君洞宋咸平中改爲真僊巖須太宗御書自二十軸藏于內張孝祥磨崖大書天下第一真僊之巖

老人巖

在縣西南三里舊傳嘗有老人拄杖悠揚其上山半有洞高峻不可登旁有一穴人因其勢增建屋閣凭闌一視如在半天大江橫其前支流遶其下。

慶遠府

南山 城南五里中有巖洞洞有石龍鱗甲宛然因名龍隱洞洞前有廣化寺龍隱祠又有御書閣貯宋真宗御書六十軸巖東有余襄公黃太史馮二元三賢堂春意菴左畔又有白雲巖

富川縣

碧雲巖 縣治南巖洞深邃洞門上有石脉成三大

字曰廣陽島

遠望極分明近望如摩絮狀

仙巖 縣治十餘里洞口多桃花中則空濶上如覆蓋石芝懸結青黛點綴榕根三四條如絲拂直垂入地半山間開燭光明中擁石堆如假山狀可坐數人

名山記 卷之十一 十一
旁有深潭魚鱗遊泳淺流一線瀉出洞口清潔可掬
一奇觀也

平樂府

感應泉 在府城北宋鄒浩謫居昭州以江水不可
飲汲於數里外後所居嶺下有泉湧出因名曰感應
泉及將北歸數日前泉乃涸旋有人至門厲聲呼曰
侍郎歸矣求之不可見翌日果拜命楊時挽○泉其
不出戶客至豈無神指二事也今嘉應廟側有侍郎
井即此

西人山

在陽朔縣西七里有石如人東向而坐縣

槽之狀規圓約二頃環以十二峰故又易名巫山寨
云

恭城縣

金芝巖

在縣治東高二丈許上有石乳垂結如芝

梧州府

火山 城南臨大江延袤五十餘里蓋梧郡之案山
也山每夜火光如野火狀或言水有珠光燭于上或
言南越王佗埋劍山阿故然

金石山

城東四里圖經載吳時有道士牽牛渡江
語舟人曰船內牛糞聊以爲醪舟人視之皆金道士

牽牛俄入山中忽不見

繫龍洲 城東五里大江中解縉詩○蒼梧城左繫

龍洲水接天南日夜流水井鱷魚春草合火山蛟室

夜光浮千家竹屋臨沙觜萬斛江船下石頭欹枕夢

回雲漢近珮聲猶在鳳凰樓

水井 東門外一里南對火山唐大曆三年經畧使

元結飲之甘冽作漫泉銘有火山無火冰宋紹興間

知州任詔砌為雙井一清一濁至今存焉任詔詩○

驅車出東門拜節訪水井寺古棟宇傾碑折苔蘚屏

源泉池中生瑩淨可鑑影命僧旋汲之入口勝霜冷

試烹白雲茶碗面雪花映清冷滌煩襟潤澤勞瓶綆
可以濯我纓悠然脫塵境

容縣

都嶠山 三縣南二十里山有八峯曰氍子馬鞍八

疊雲蓋香爐仙人中峰丹竈而八疊奇秀最高有南

北兩洞皆天造地設道書第二十洞天即此南洞寬

坦中列浮屠大像北洞差狹為星壇凡八中峰絕頂

有室曰中宮院宋蘇軾送邵道士還山○乞得紛紛

擾擾身結茆都嶠與仙鄰

龍潭灣 城西北十里唐時風雨之夜報恩寺鐘來

名山記
與潭龍相戰。次早鐘有萍藻砂礫存焉。

懷集縣

鷲巖 朝巖西二里紫鷲以千百巢其中。洞門高潤石平如砥可坐數百人。石乳凝結垂地。有石如棋盤。有二石相對若可坐奕者。水自朝巖而來穿峒中出入以竹筏載米從此水至開建縣江而東。

四門巖 在縣西五十里山突起平地。下有石室外有四門。巖中石乳凝結為柱者八為蓮花者一。此巖之東北又有游仙巖。巖中有化龍石一石人一。

鬱林州

隱仙巖 城西二十里有石室壁上題元和十四年來遊寺曾才魯詩。○山勢崔嵬不可攀。古巖猶在曰雲間。洞天深透神仙宅。石室高懸虎豹關。崖壁尚存千古樹。藥爐仍煉九還丹。世人莫道無形勝。笋立江南第一班。

藤縣

赤水峽 城東六十里兩岸壁立。一水中流。林木蔚然。嵐氣朝夕不散。

注玉泉 在縣西南取秦觀泉賦。晨夜有聲。涵雲注玉之句。元余觀。○雲蒸崑山液。月浸藍田英。臨風燕

沉壑滿腹珠璣鳴。

博白縣

將軍洞 在縣南三十里一名飛鼠洞其洞三重石室虛明中有泉分溫涼而流崖石上○刻南州太首領將軍龐孝恭十字。

綠珠井 雙角山下太平廣記梁氏女綠珠有美姿容石崇為交趾採訪使以珠三斛買之今舊井存焉。鄒文忠詩○玉容捐委盡樓塵一死甘酹石氏恩古廟有碑旌節義西風無主逐香魂孤村夜靜鳴歸鶴雙嶺雲寒唳斷猿試向綠蘿尋舊跡斷碑遺井見清

源。

北流縣

勾漏山 城東北十五里石峰千百皆矗立特起其岩穴勾曲穿漏山有寶圭洞洞有石室葛洪即此操丹砌以煉焉。

白沙洞 在勾漏山秉燭從竇入俯偃扶伏凡經六七竇行里餘乃至勾漏甲於天下而此洞勾漏第一玉虛洞 在勾漏山洞中物象皆瑩潔如玉每雲從洞出則雨風從洞入則霽。

普照巖 山如覆釜登巖却顧則黃坡翠巘與石峰

名山記

卷之十一

十五

三百九十四

相間其中仙壇佛塔低昂交錯靈幡寶幢獵獵飛動

興業縣

鐵城山 城南十里石壁峭立其色如鐵四方有門東門可通人行中有蟠石石上有二牛跡又有石竇南門有基約四丈俗呼為敵樓西北二門多石崎嶇不通古避兵之處也

潯州府

白石山 城南六十里兩峰並下有巖洞即道書第二十一洞天通北流勾漏洞世傳葛洪嘗往來其間洞之上有會仙巖丹竈及八僊石存焉葉原賀○雲

梯迎石磴香樹鎮松關林壑疑無路神仙別有山

羅叢巖 城西南六十里可容三百人東曰碧虛洞

深半里有石佛石獅石鐘石磬西曰靈源洞王清

詩○鑿破金鰲背虛明一竅通天塵世外樓閣畫

圖中冰冷猿啼月山空鶴唳風閒來足觴詠不必歎

途窮

永通峽 城西一百五十里山勢險峻猥賊巢穴成

化元年都御史韓雍討平之舊名大藤峽至是改為

斷藤相傳有藤絕流而生長數百尺斷之汁出水為

之赤正德十一年都御史陳金復改今名

平南縣

暢巖 縣西二十里有石一卷聳峙平野有石門石床流泉濺石宛如跳珠宋皇祐間郡守姚嗣宗改名姚公巖後河南程公守龔州明道伊川從宦改今名

南寧府

馬退山 府城北十五里狀如馬退山舊有茅亭唐柳宗元記云是山翠然起於莽蒼之中馳奔雲壘亘數十百里尾盤荒陬首浸大溪諸山來朝勢若星拱蒼翠詭狀綺繡錯雜蓋天鍾秀於是有限於遐裔也

梯迎石磴香樹鎮松關林壑疑無路神仙別有山

羅叢巖 城西南六十里可容三百人東曰碧虛洞

深半里中有石佛石獅石鐘石磬西曰靈源洞王清

詩○鑿破金鰲背虛明一竅通天塵世外樓閣畫

圖中冰冷猿啼月山空鶴唳風閒來足觴詠不必歎

途窮

永通峽 城西一百五十里山勢險峻猺賊巢穴成

化元年都御史韓雍討平之舊名大藤峽至是改為

斷藤相傳有藤絕流而生長數百尺斷之汁出水為

之赤正德十一年都御史陳金復改今名

平南縣

暢巖 縣西二十里有石一卷聳峙平野有石門石床流泉濺石宛如跳珠宋皇祐間郡守姚嗣宗改名姚公巖後河南程公守龔州明道伊川從宦改今名

南寧府

馬退山 府城北十五里狀如馬退山舊有茅亭唐柳宗元記云是山翠然起於莽蒼之中馳奔雲壘亘數十百里尾盤荒陬首浸大溪諸山來朝勢若星拱蒼翠詭狀綺繡錯雜蓋天鍾秀於是有限於遐裔也

望仙坡 城東與羅秀山相對宋狄青孫沔余靖征儂賊駐師焉郡守陶弼即其地建三公亭有詩○異日誰相繼來書第四名

牛皮石 在橫州西七里石如牛皮上鐫橫州二字相傳仙人所書

古辣泉 在橫州桂海虞衡志古辣乃賓橫間墟名以墟中泉釀酒即熟不煮但埋之土中日足取出色淺紅味甘而致遠雖行暴日中不亟壞南州珍之宋守徐安國○有古辣觴客醉之句

武緣縣

題詩巖縣南十里高數丈三面石壁○有朝天門仙
女洞六字

太平府

白雲洞 城東二里中有龍潭錢溥詩○野外尋仙
跡雲封古洞幽碧桃時在澗瑤草不知秋道路通三
島烟霞占一丘有無誰可必明月自悠悠

讀書巖○在獨秀峰下直立郡治後爲桂主山傍無
坡阜突起千丈峰趾石屋有便房石榻石牖如環堵
之室顏延年守郡時讀書其中

伏波巖○突然而起且千丈下有洞可容二十榻穿

鑿通透戶牖傍出有懸石如柱去地一線不合俗名
馬伏波試劍石前浸江濱浪波洶湧日夜漱齧之

劉仙巖 在白龍洞之陽仙人劉仲遠所居也石室
高寒出半山間

華景洞 高廣如十間屋洞門亦然

雉巖 亦江濱獨山有小洞洞門下臨灘江

立魚峰 在西山後雄偉高俊如植立一魚餘峰甚
多皆蒼石刻峭

記文

隱山記

唐 吳武陵

西出門里餘得小山山下得伏流顧目石秀水清其
韜怪物耶乃蹈履北上四十餘步得石門左右劔立
矍然若神物持之自石門西行十步得北洞坦平如
室室內清縹若繪積乳旁溜凝如壯士上負橫石奮
怒若活乘高四上有石窓櫺窓下望千山如指自石
室東迴三步得石巖崑下有水泓然疑虬螭之所宅
水色黑綠其濬三丈載舟可坐數十人崑之南壁有
石磴可列十六人其東若猷澹貫石流去不知所止
北壁半穴如懸門徹外容小舟出門有潭袤三十步
產芰荷潭北十步得溪溪橫五里徑二百步可以方

舟泛鷁渺然有江湖趣魚龍灑灑鷗鷺如豢溪潭之
間有地丈餘其色正赤歷石門東南越小嶺石林危
嶠夾聳左右自嶺下十步得東岩自岩口直下二十
步有水濶三尺許淺沙若畫細草如織南望有結乳
如薰籠其白擁雪自巖西南上陟飛梯四十級有碧
石盤二乳竇滴下可以酌飲又梯九級得白石盤色
如玉中有自然水香且可飲數人不竭自石盤東北
上陟雲梯十二級得石堂足坐二十人乳穗駢垂擊
之鏗然金玉聲堂間有石方如棋局即界之以奕儵
然不知柯之爛矣自堂北出四步直西二筵南入小

峽道峽得內峒東有石室妙如刻畫頂上方井。翡翠
輕綠如藻綉。自峒南下仰矚東崖有疑乳如樓閣如
人形如獸狀不知造物之所變化也。自樓閣斗下七
步。次石渠渠深七十尺。渠上爲梁曲折繚繞三百步
遠。日月所不能燭矣。左右列炬而後敢進。自梁直南
抵絕壁斗下爲飛梯九級而後及水。水北涯有石閣
峭甚。益以欄檻適可宴息。水通漁船東出朝陽西隔
黝黑方谷如鑿投之石聞波聲響。寒氣薄人自石閣
還上絕壁西十步。又得小峒俯行三十步。左右壁有
鐘乳或垂或滴其極有石室如禪庵多白蝙蝠出小

峒北二十步。又得外峒石色猶四崗東西壁下有石
數十枚其面砥平。中有兕樽琵琶薦厥狀甚怪。游人列
坐肅若冰霰。其東有便房桁櫺拱椀枝撐環合。猶良
工之椎琢也。峒北七步。臨西石門石門西二十九步
得西崗峒深九十尺。北崖有道可容一軌。崖南有水
水溶如鏡纖鱗微甲可數。東過小石門東頗行三十
步。詰屈幽邃道絕窮崖。又寬明置水閣岸下閣勝九
人閣下水濶三十尺。伏流崖南亦達朝陽。自西峒口
南去一矢得南峒四壁可燕數十人。其東有水輕風
徐來微波蕩漾。北上山頂盤曲五百步。石狀如牛如

馬如熊如羆。劔者鼓者。笙竽者。填箎者。不可名狀。石路四周而松蘿萃於西北。夫茲山之始與天地並而無能知者。揭於人。寰淪於翳。蒼又將與天地終。豈不以其內妍而外朴耶。乃伐棘導泉。目山曰隱山。泉曰蒙泉。溪曰蒙溪。潭曰金龜。峒曰北牖。曰朝陽。曰南華。曰夕陽。曰雲戶。曰白蝙蝠。嘉蓮生曰嘉蓮。白雀來曰白雀。石渠寒深若蟠蛟。履特曰蛟渠。或取其方。或因其瑞。幾焯乎一圖謀也。此洞之奇可謂極矣

六洞記

唐 韋宗卿

登山自西舉趾。維左首至于南華。尚高中水長十餘

步。澗不可踰。深不可測。澄為靈泉。播為陽江水。側平坦可坐。數十人自南華。尚西轉五十步。至夕陽。尚尚長數十丈。其旁有水與尚終始。在水之東。高下有石如砥如礪。十數人可憩。尚窮有大石高可跂。及廣不盈尺。鑿穴而望。復使下尋。有潭東去莫究。深廣又北轉而東八十步。至於石門。自石門又東北十五步。至北牖。尚尚虛潭幽。其水潑墨。中有巨魚可三四尺。鏤鱗鏟甲。朱鬚頰尾。人或見者。龍以敬之。潭之左右。怪石萬狀。如鳥斯飛。如虎斯蹲。如衣裳發笥。如龍蛇出奔。乳竇懸玉石。壁流雲。潭之南有石崗。有便房。高有

石窓追琢不加清瑩可愛又東南轉山一十步至朝陽崗崗中有水旁浸潭側長可數十步三崗之水周圍相通亂於池入於江水中有石高可三尺其色白其容光圓如薰籠大如巨床以其水浸於潭側故曰側潭尋側潭之西數十步上有潛洞歷險可至窈窕深邃羽人來暨却上南壁約六七丈有雙碧石盤懸如半壁容水數升其上尋有一白石盤常有水升餘酌之不竭味甘如醴色白凝乳煎以病愈飲以顏駐其側可坐五六人左右石壁皆光滑密緻有如磨礪不得綿絮却下從崗口北轉路絕越險山屐不通構

梯架空得至雲戶戶內博敞容三十人旁透虛明洪纖可鑿有貞石榻勒爲碁局對以手談局之左右可以偃仰賓從徒侶各有攸處出雲戶下視北牖蒙溪如指諸掌戶外有二徑其一直上至山頂山之最高處也桂江屬望縈紆若帶越嶺遐眺點簇如黛寸眸千里周覽一息構亭其上以俟登臨是歲秋慶雲見於西方萬狀競變五色相鮮既而亭構因目之爲慶雲亭如亭下至南華崗口又一徑西去十餘步至白雀崗郡人有獲白雀來獻者雪毛霜羽頰背紅趾且旌雀瑞因志崗名崗口狹隘側身稍通漸下十餘步

有立石望之如人次有石堂光滑寬敞可容數十人
從此更下有玄潭其深莫測潭東西岩上有石樓高
低可二三尺自下而望如榱點成樓南有二石相去
數尺被服如人若就樓而看者玄潭泓澄水色如墨
見者神竦乃作閣道架潭瞬息疾過西南透於石穴
中石穴路右復有乳垂亦如朝陽崗者視其周圍但
微小耳崗內有穴通嘉蓮崗崗開而未得名會有獻
同心蓮者遂紀事而名之從崗北出六十步西去有
崗其深不測中路多白蝙蝠飛舞在穴從東有穴棧
閣盤迴却透玄潭之北有兩穴東穴透明長可數丈

人不可過莫能究之西穴出於崗口崗內平坦石榻
縱橫湯茗在茲笙竽以間有石琴薦寘以撫絃聲越
金玉自崗西去至夕陽出西山復其窈六崗之能事
畢矣自諸水隱山下池溢曰家泉派合成流水源有
二其一流自夕陽注嘉蓮經白雀歷朝陽旁浸北牖
出於南華流注積為池其一流自家溪溪源在北牖
崗東北里餘出於北山自山南流會於南華崗水合
而成池池因山麓不資人力高深向背繚繞縈迴五
六里間方舟蕩漾靡微風鏡清波棹女唱榜人歌羽
族載依鳧鷖翔沫鱗介是宅魚鱉噉鳴野花依藂游

絲轉空蘋末清風荷底水紅莫者取飢者採與人同
利恨斯池之不大也招提之南長松夾路陰濃蔽日
韻響含秋外有連埋松異本同幹內有偃蓋松低枝
覆空松側有竹黃綠盡岸策杖未窮步履猶遠北牖
崗口有閒田砥平南北十餘步東西稱是乃作水閣
立風廊闢厨戶列便房華而不逾險而不偪面茲池
以澗漾對他山之青翠絲竹競藝寶僚滿觴歌聲遏
雲舞影臨水取樂今日鄉心斲忘六崗恐即
隱山者

灘江記

明董傳策

按水經興安海陽山斷為灘水流而泝靈川其渠甚

偃久木秦史祿所鑿今寘斗慎啓封云斗畔悉蒼莽
區曠無居人時時有蠻獠數輩持挺倚巖谷間幸其
蠢蚩無大害然客遊者自此非夷境矣獨桂林當最
高處控制數千里披山帶江裒然西南要會世謂桂
嶺摩天灘波經地水環湘桂山類蓬瀛迺猶離郭伊
邇遽嘯諸獠屬邑古田永福間人為占據朝除宰貳
至不敢入界予予從省司候差遣余蓋覩而憤焉自
桂以南迤而接虔陽朔昭平旁及左右兩江藤峽八
寨大都諸獠深阻今惟府江為尤甚府江即灘江也
以迫平樂府名府江又以灘水流至此益疏迅名灘

江余素聞其險爰與吳子留連桂林數畧須諸藩守
出棘院挈之行至是九月五日發桂林越七日渡陽
朔道中巖石尤奇崛就其羊皮元寶諸峰突兀空透
飛掛疊數節下瞰牛樂匙鑰天河纏脛諸灘大非常
目所經觀陽朔人蘇御史木追訪舟次語中更及灘
江苦險阻余輩兩舟人有戒心云是日逾燕子巖曰
面雷公諸山徑人村八日渡龍頭磯出灘江兵憲林
君載酒餞江潁已而兩舟人與藩叅吳君梧邕守何
郭二君並放中流日晡泊長灘九日晨發吳君舟觸
石幾破舟中帶有人匠粘罅至旁午復發於時瘴霧

彌野山川咸不可辨旁午猶無日光吳君設桑寄生
酒邀余與吳子酌之云敵瘴氣復出鴈蕩山茶烹以
解醒吳君鴈蕩人也語中誇鴈蕩之音余笑曰若不
覩此灘江景乎夫灘江水波層絡下吞石齒兩岬皆
高山峻谷然吾儕身渡之不得遊抑不可一瞬目焉
即若所談中土奇遊不且重有感恬方覆澤哉不且
重有感恬方覆澤哉吳子遽障余喙曰子又酒發矣
俄而窓縫稍豁因捲簾矚兩岸山迺有猓獠人數
百群挾戈戟伺險灘上余輩幸舟順流其遡而上者
篙稍緩輒被逗逼鹽米吳君蓋坐而目擊之與余輩

咨嗟良久因憶田少叅汝成藤峽府江議謂勦藤峽
寇宜速剿府江宜緩又有疑剿撫二議誰適從者余
覽觀其槩大都江峽勢相連繹未應異治諸獠志索
鹽米非有遠圖彼中峒丁招主往往釁狀相通今昭
平建設土巡司亦畧扼其咽喉謂宜聽諸上官報効
兵自齎糗餉剿逐苟得尺寸地即以立其支子爲巡
司官仍於要害處隨在設巡司令通峒丁鹽米禁其
侵暴久而化誘諸獠爲良民因可潛消土官諸子弟
相雙殺事或亦一籌策耳日哺泊大龍灘十日晨發
午抵昭平復逾馬難唐釣上山下曲石龍諸灘至上

洋堡泊十一日發上洋堡逾上洋下洋規殼龍口月
口欄板諸灘自出灘江諸灘俱險而馬難尤甚水當
灘處湍洑若飛矢石尖尖錯兀其底溯流者篙竟日
難上順流尤虞觸石灘旁復多滙深潭其上嵐氣重
遮鼻中聞之至不可忍四野菁草邃蔽鳥棲絕少時
有一三水鳶墜而前昔人所稱仰視飛鳶沾沾墮水
中蓋實景也柳○千山鳥飛絕萬徑人踪滅又添嵐
瀧徑三苦云十二日舟抵蒼梧漸覺岸有人跡間見
一二小舟蕩槳而過然猶數十百里無村煙江灘亦
尚多險回憶江左風流不啻懸霄壤云爾

屏風巖記

宋 侯彭老

自湘南樓下渡重江北行五里有山如屏峙于平原若環部而主之其中卷然虛曠而邃深數十步上徹山之陰高明爽塏下視七星山巖導於前西顧洲渚城邑可以指數蓋龍隱棲霞之所蘊蓄與夫轉魁傲雲之所鋪寫是蓋兼而有之備具衆美冠於天南使造物者更復運意不可增損崇寧初鄱陽程公始開是巖目之曰程公巖

曾公巖記

宋 劉誼

元豐元年曾公自廣州移帥桂府民和歲豐公率群

僚遊所謂風洞者縱步而東行得一巖於榛莽間岩之前有石門屈曲而入則流水橫其中碧乳垂其上周旋四視其狀如刻鏤出於鬼工而不類融結者也公於是拂石求前人之跡則未嘗有至者焉乃構長橋跨中流以為遊觀宴休之處日與衆共樂之自是州人士女與夫四方之人無日不來其巖遂為絕觀

玄風洞

并序

宋 柳開

出桂城東抵慶林觀背山下有洞出風淳化元年開知州事往避秋暑因刻銘於洞旁銘曰桂東叢峰洞穴空通淒肌森襟沒骨浸骨瑩雪若潔

疑冰若列暑宇如燠周陬流毒其何如斯爲能去之
嶺山峩峩嶺水湯湯亘古綿今氣炎土荒物爽爾情
候乖朔節夏雨多涼秋旱多熱春裘冬扇朝順夕變
反側無恒天癘相仍我來尚中百慮時窮儵然自釋
忘歸終日勒銘岩口用紀罔極○張孝祥詩山入烏
蠻連越雋天開斗野對珠宮應憐桂海長炎熱乞與
清涼萬竅風

棲霞洞序

宋 尹穡

仙李岩即玄元栖霞洞也唐祖老氏尊以玄元號而
所在祠之今洞額鑱刻篆字奇古不磨又有老君像

在焉意其自唐始耶建炎己酉八月故相李公書棲
霞洞名刻于洞門之外後六年經畧安撫李彌大與
賓從遊愛其雄邃隆傑咸請易名迺曰昔唐鄭冠卿
遇日華月華君於此具有仙跡且聘吾祖也故相國
亦其苗裔而予又愛賞如此宜以仙李名之

無名氏詩曰○天斲神剡不記年洞中風景異塵寰
江波蕩漾青蘿帶岩乳虛明碧玉環地接三山真境
在天連合浦寶珠還重來恍似乘槎到慙愧靈門夜
不開

嘉祐中桂有一人入棲霞洞燭滅不得出明年乃與

游。人。俱。還。自。言。嘗。見。數。道。士。相。謂。曰。知。至。道。者。天。不。殺。服。元。氣。者。地。不。滅。因。誦。此。故。生。衆。方。驚。異。忽。輕。舉。莫。知。所。在。

水月洞序

并銘

宋 范成大

水月洞。剡。灘。江。之。麓。梁。空。踞。江。春。水。時。至。湍。流。貫。之。石。門。正。圓。如。滿。月。樣。光。景。穿。映。望。之。皎。然。近。歲。或。以。一。時。燕。私。更。其。號。爲。朝。陽。邦。人。弗。從。且。隱。山。東。洞。既。曰。朝。陽。矣。不。應。相。重。乾。道。九。年。秋。九。月。吉。吳。人。范。成。大。莆。人。林。光。朝。攷。古。揆。宜。俾。復。其。舊。成。大。又。爲。之。銘。百。世。之。後。尚。無。改。也。銘。曰。

有。嵌。孱。顏。中。淙。漲。湍。水。清。石。寒。圓。魄。在。上。終。古。弗。爽。如。月。斯。望。灘。山。之。英。灘。江。之。靈。復。其。嘉。名。范。子。作。頌。勤。于。龍。從。水。月。之。洞。

韶音洞記

宋 張栻

由。虞。祠。之。後。不。十。步。至。虞。山。下。有。石。門。可。窺。入。其。中。則。虛。明。以。長。仰。而。視。之。石。去。人。僅。尺。許。色。青。潤。可。愛。瞰。其。旁。蹲。踞。蜿。蜒。如。虎。豹。龍。蛇。者。皆。是。也。行。其。中。十。步。餘。望。北。牖。清。江。橫。于。前。下。臨。深。淵。所。謂。皇。澤。灣。也。始。弒。既。新。帝。之。祠。得。新。安。朱。熹。爲。之。記。命。工。度。山。之。崖。磨。而。鐫。之。偶。發。石。而。得。新。洞。鑿。其。下。石。之。齧。足。者。

剪其北林薄之翳目者而地之勝有若天成焉名之曰韶音洞

西湖記

宋 鮑同

桂林西湖今經畧使徽猷張公所復也蒙溪去城里許而近勝槩爲一郡甲按唐吳武陵隱山記韋宗卿六洞說皆述溪潭可以方泳然歲久廢爲田尚可考者特一潭二池池有芰荷廣不踰尋丈餘盡耕稼之壠矣初公游山中得二記按之以求後讀吳記至走方舟泛畫鷁渺然有江湖趣則嘆曰鬱茲觀美可謂殺風景者矣遂已默記厥由居山之麓衆泉所會中

偃而四穹茲蓋天成第流泉使之不得去則湖可坐而復乃相所從泄作斗門以閘之未幾水遂盈衍澶漫若池橫徑將數十畝望之蒼茫皎澈千峯影落霽色秋清景物輝煌轉盼若新然吳記以爲溪而云作亭牖北夾溪潭之間韋記以爲池而云北牖洞口有田砥平可施欄檻以知昔時猶有淺陸水所不及之處而今洪深之滙矣其中流平沙隆出波面如島嶼因築亭其上命之曰瀛洲植卉藝竹映帶遠近南闡招提西隱山爲亭每遊覽則憶家山因命之曰懷歸北依茂林俯流爲閣用老杜湖水林風之句命之曰

湘清放船集賢於此乎在環山循趾引水疏渠繚繞
縈迴索竒討幽得新洞二命曰北潛南潛又爲亭于
其陽直西命之曰望崑是皆出乎六洞之外發前人
之遺逸增往牒之未載遂使西湖勝槩條然如立塵
寰之表江浙所稱亦未能遠過焉

南溪白龍洞序

唐 李渤

桂水離山右匯陽江數里餘得南溪口溪左屏外崖
巘闢麗爭高其孕翠曳烟邈迤如畫左連幽墅園田
鷄犬疑非人間泝流數百步至巖巖下有灣壤沮洳
因導爲新泉山有二洞九室西南曰白龍洞橫透巽

維峴骨如玉西北曰玄巖洞曲通坎隅晴眺離水玄
巖之上曰丹室白龍之右曰夕室巽維北梯險至仙
窟北又有石室參差呀豁延景宿雲其洞室並乳溜
凝化詭勢竒狀俯而察之如傘如傘如欒櫺支撐如
蓮蔓藻井左睨右瞰似簾似幃似松偃竹裊似海蕩
雲驚其玉池玄井嵐飈迴環交錯迷不可紀從夕室
梁溪向郭四里而近去松衢二百步而遙余獲之若
獲荆璆與隋珠焉亦疑夫大舜遊此而忘歸矣遂命
發潛敞深磴危宅既翼之以亭榭又韻之以松竹似
讌方丈似昇瑤臺以溪在郡之南因目爲南溪云

游乳洞記

明 袁袞

余既試士興安問土人山水之可游者得乳洞出城西南十里路多榛莽至洞口有清溪石梁洞有上下曰噴雷中曰駐雲上曰飛霞下洞有泉流石壁間漚而爲溪觸石湍激有聲洞門軒敞其中虛明夏涼而冬溫其下石如田壟溝塍如鑿左旋至中洞烟霧冥濛有石柱三及石室石牀復左旋百步至上洞入門平曠水淺可涉石乳玲瓏有五色石橫亘其上秉炬深入石愈怪竒二洞蓋宋李邦彥名也有碑記及張孝祥大書上清二洞皆在下洞口上有范成大詩刻

循讀之小飲下洞而歸夫桂多巖洞然二洞並豁亦足竒矣

玉髓泉記

林邑

盤石之石湘之竒石也盤石之泉湘之竒泉也由東西往來者水浮湘江陸逕盤石盤石之下亦有江流則螺江也螺江之岸修平如帶湘山右處崢嶸超突十步一巖五步一竇丹粉銀黃黛黑黛青層見捷業者盤石之石也生于洞穴覆以嶽嶽色青味甘響搯江潭者盤石之泉也予於政暇嘗造斯境喜而徘徊淪流尋源循崖導津有溜而澗有溢而沼有澄而泓

覺粹精之混融飲一瓢以自適因舊址為亭據衝嶺
要晴暉坐挹江光凝染石乳溜照相半左右拾騷吟
於林壑訪釣隱於烟波超然蓋逸興之四集也斯泉
生斯石無一點塵雜又當楚粵之通衢瀑容井德毓
山之趾出知所適三江會同森然湖海湘中號之第
一此固余之所甚愛而思與往來者共也

劉仙岩記

元 潘仁

桂林諸山奇秀為嶺南最皆平地拔起望之亭亭玉
立或森若劍戟而岩穴幽邃冥搜莫極至雕鏤萬狀
窮極天巧雖繪事不能得彷彿其最近可朝夕游者

則有若七星岩水月洞惟劉仙白龍二岩尤號奇觀
岩在城南七里今名升仙岩相傳仙人劉仲遠居此
蹬道攀援而上石室高寒旁有穿雲仙跡憲使濟南
宋公紹明按節廣右越仲夏初吉時雨新霽嵐氣廓
清相與同集岩下屏徒御攀危磴瞰幽穴摩挲石刻
以訪劉仙之遺蹤踵昔賢之芳躅聳目曠漠之野而
憐茲耕稼之民俯仰今古悵然興懷歸過白雲洞仰
觀絕壁巔崖神爽飛越是日樂甚命侍吏潘仁記之

游南中巖洞記

宋 羅大經

桂林石山怪偉東南所無韓退之山如碧玉簪柳

子厚謂拔地峭起林立四野黃魯直詩平地蒼玉忽
嶒峨近時劉叔治環城五里皆奇石疑是虛無海
上山皆極其形容然此特言石山耳於暗洞之瑰怪
尤不可具道相傳與九疑相通范石湖嘗游焉燭盡
而反余嘗隨趙季仁遊列炬數百隨以鼓吹市人多
從之者入自魯公巖出于棲霞洞入若深夜出乃白
晝恍如隔宿異世詩曰○瑰竒恣搜討貝闕青瑤房
方隘疑求巷俄敞如華堂玉橋巧橫溪瓊戶正當窓
仙佛肖彷彿鐘鼓鏗擊撞轟轟左顧龜信信欲吠龐
丹竈儼亡恙芝田藹生香搏噬千怪聚絢爛五色光

更無一塵澆但覺六月涼玲瓏穿數路屈曲通三湘
神鬼妙刻刻乾坤真混茫入如深夜暗出乃皦日光
隔世疑恍惚異境難揣量

又嘗游容州勾漏洞天四面石山圍繞中平野數里
洞在平地不煩登陟外畧敞豁中一暗溪穿入因同
北流令結小椽秉燭坐其上命篙師撐入詰屈而行
水清無底兩斫石如虎豹獠獮森然欲搏行一里許
仰見一大星炯然細視乃石穿一孔透天光若星也
溪不可窮乃返洞對面高崖上夏間望見荷葉田田
然峻絕不可到土人云或見荷花則歲必大熟

柳州山水可游記

唐 柳宗元

古之州治在潯水南山石間今徙在水北直平四十里南北東西皆水滙北有雙山夾道嶄然曰背石山有石川東流入于潯水因是北而東盡大壁下其壁曰龍壁其下多秀石可硯南絕水有山無麓廣百尋高五丈上下若一曰甌山山之南皆大山多奇又南且西曰駕鶴山壯聳環立占州治負焉有泉在坎下常盈而不流南有山正方而崇類屏者曰屏山其西曰四姥山皆獨立不倚北流潯水瀨下又西曰仙奕之山山之西可上其上有穴穴有屏有室有宇其宇

下有流石成形如肺肝如茄房或積於下如人如禽如器物甚衆東西九十尺南北少半東登入小穴長有四尺則廓然甚大無竅正黑燭之高僅見其宇皆流石怪狀由屏南室中入小穴倍常而上始黑已而大明爲上室由上室而上有穴北出之乃臨大野飛鳥皆視其背其始登者得石枰於上黑肌而赤脉十有八道可奕故以云其山多櫛多櫛多篔簹之竹多橐吾其鳥多秭歸石魚之山全石無大草木山小而高其形如立魚在多秭歸西有穴類仙奕入其穴東出其西北靈泉在東趾下有麓環之泉大類轂雷鳴

西奔二十尺有洞在石澗因伏無所見多綠青之魚
及石鯽多條雷山兩崖皆東西雷水出焉蓄崖中曰
雷塘能出雲氣作雷雨變見有光禱用俎魚豆疑修
形糝糝酒陰虔則應在立魚南其間多美山無名而
深峩山在野中無麓峩水出焉東流入于潯水

游浯溪記

董傳策

浯溪古竒境也孤標一峰迥然臨瀟湘而枕祁陽之
上唐元次山下築其中屬靈武中興光復兩京功最
大元因撰頌顏魯公爲書鐫石乃後人高魯公風節
且尚漫郎文而浯溪之竒益表著余輩以八月七日

泊祁陽既登崖閱頌文摩其字畫巨石嵯峨與文字
俱絕世稱三絕者也旁有片石嵌壁間玄瑩可鑑了
了辨山川色詢之厥名鏡石相傳往代傳詣行在光
晦發還山乃復瑩如舊云左逾渡香橋步出漫郎宅
遺跡前臨一臺聳然層起劉令設樽醪置席焉上有
宋尊古製因就而酌酒既酌相與坐談唐事追思魯
公守平原時已甚偉特後竟不屈賊而死真竒男子
也假令唐無國難如魯公輩終不老死翰墨間耳然
曾南豐爲作祠記顧猶徒取其堅貞撼頓之節百折
不回而恠其學問文章間雜于神仙浮屠之說不皆

合于理。余以為南豐之語癡矣。夫仙佛家所稱引白日飛昇、歷萬劫而不壞者，豈誠以為莊語哉？直寓指云爾。彼所謂傳道必得世間忠孝之士者，有以也。如魯公舍生取義，要於此中得力，即其幻形雖死而英聲義烈，至于今猶耿耿不磨，蓋真勘破其教非雜之也。以是知魯公不死矣。

末一段議論發所未發，可謂見道。

觀賀行

田汝成

十七日壬子遊疊綵岩中空斗折石戶硤研淒風逼人炎囂屏息故又名風洞也緣北厓則江上諸山旋

簇如畫南麓聚景亭所見如北牖而昭曠過之遂繞寶積山穿華景洞空明軒敞可布八九筵前瞰方塘秋水澄澈後臨絕壁有平石可坐三四人為飛雲閣右厓卧龍岡有諸葛武侯祠疊綵寶積二山皆在城中其南麓大街山脊隱隱隆起有碑書桂嶺二字宋所立也其時帥守監司過此即有任子恩然此不在五嶺之數會給事中未敬之廷臣以使事入省省寮祝堯緒洪玉方輩約予酌朱君隱山予曰昨望虞山有奇趣已神往矣姑畢我願乃追隨爾遂出北郭五里許陟虞山謁舜廟廟後為二妃祠祠後為韶音洞

南軒張敬夫所開發也。入朝陽洞，則朱君暨省寮咸集矣。隱山舊有六洞，惟此可尋。懸磴層起，北戶絕壁百尺，俯視木杪。洞中有磬石，勒爲棋枰，俗稱爛柯石。山下舊爲巨湖，七百餘畝。唐刺史李勃所開，可以方泳芰荷，煙雨綵鷁，牙樯景物之美。吳武陵記之甚詳。尋就堙涸，宋經畧使張維復濬之，溜水滄泓，增置亭榭，植竹藝卉，侈於前觀。元季爲田，迄今荒壤蔓草，狼藉孤兔之居，惟蒙溪澗，湫澗猶存一帶陵谷，遷易亦可嘆也。遂携榼而西，穿回龍洞，洞口廣坦，可布六七筵。浚澗中斷，駕板橋渡之，攀蘿陟巘，有亭翼然，時返照。

射人涼飈揚袂，洪君曰：振衣下，仍固此，其近之衆曰：然遂揮翰揭之，爲振衣亭也。循厓右轉，扶竹欄而下，過藥師寺，謁慶元伯祠，伯李氏。孝穆皇太后父也。爲賀縣龍塘村人，后初以淑媛入侍，寔誕。敬皇甲寅，偕諸僚及朱敬之遊七星山，去城東里許，錯落如北斗之形，下爲玄風洞，陰氣盛烈，盛暑如躡層冰，禁淖不可久處。傳曰：空谷來風，又曰：盛怒土囊之口。然諸岩洞亦有無風者，豈地脉差殊與？宗室約，踞爲予言。岩洞冬時温如附火，蓋陽伏之徵也。繞而西爲棲霞洞，內極寬衍，兩厓石乳凝結，刻畫崢嶸，蒼翠漬潤。

若佛刹畫壁頂懸金鯉鬚尾狎獵勢欲騰騫稍深即
窈黑秉炬而入所見益奇環瑋百態其最肖者漁父
施屨僂跛踏船彷彿若畫中多岐路云通九疑然未
有探極者洞口有老君像傳唐明皇所置故又名仙
李岩遂偕都指揮使顧良弼以小艇穿水月洞泊訾
家洲洲上舊有亭榭乃唐都督裴行立所營而椰子
厚爲之記者今皆蕩滅而環山泅江夸奇競秀之景
猶存舊觀遂游龍隱岩岩口臨江水深莫測仰視其
上有龍跡天矯長竟數丈鱗鬣宛然疑龍蛻去跡印
泥上久而化爲石也左有石屋寬朗可容百人頂鑄

元祐黨籍一通以司馬光爲首豈諸賢削跡龍蟄於
斯與緣磴而上舊有驂鸞亭宋郡守范成大所創也
今改怡雲亭稍北爲月牙岩捫蘿而上石磴數十級
厓室半懸形如初月故以名也還舟過花橋泝灘水
艤伏波山入還珠洞詳見前記舍舟登逍遙樓望海陽山
湘漓二水所自出也同源別流南北分瀉灘水南下
繞桂林合癸水漱伏波山下諺云癸水繞東城永不
見刀兵丙辰拜表導出東門還集風洞徑山中有二
穴高數十丈仰望闕然予曰其韜帷物者耶披茅而
上可四十步竣絕無蹊便棄履躡之入初穴宛轉達

於高層倚穴下瞰掉眩欲墜洞中有石板橫施可容
兩榻遂命之曰巢雲洞天巧有餘而人力不足移寘
蘇杭之間當絕品矣行七八里艤闢鷄山西澁脩竹
一圍蒼翠可愛張君曰其下有君子亭舊年爲水推
去予曰清陰若幄何以亭爲遂携榼藉草而飲移棹
入南溪將游白龍洞瞋不克登詰朝登焉岩扉呀豁
畧肖龍隱其西爲劉仙岩異人劉仲遠飛昇之所乳
竇窈窕爽氣淒清旁有履痕若攀躡之狀俗呼穿雲
跡也還舟逆發過南亭驛游甘岩岩若剖甃外窄中
穹輪廣畝許以舸艚入焉西壁有泉側出涇滙岩中

深可二丈下睽沙磧游魚如指者三五百頭往來追
逐若與客戲者大抵桂林岩洞爽朗莫如龍隱遠奧
莫如棲霞而寒冽寥寂兼山水之奇莫如甘岩之勝
僉事操君松邀予登鳳皇山三亭疊構巨松環繞俯
矚城闈時返照橫江淨若曳練少焉嶺月半露景益
清奇癸亥發平樂城東里許覽考槃澗魯般井廣丈
餘汨沒草莽是夕宿楠磯甲子過旣灘覆一從舟時
江涸磯危舟行石罅每下一灘激浪過賴履險不陷
殆天幸乎湖廣○是夕宿上仰堡乙丑仲秋朔宿古攬
堡二更至蒼梧丁卯辭軍門遂游冰井寺有良正出

名山記 卷之三
唐經畧使元結飲而甘之作漫泉銘隔江二里許為
火山故有火山無火冰井無冰之語宋知州任詔砌
為雙井右清左濁至今存焉參將高正之細談七星
岩之勝七山皆骨立連綿一溪旋繞駕小艇沿洄面
面可覽山水有岩惟圓屋最勝戶牖砉砉肪乳淋漓
其底飛磴十數級有窅閉然容光橫射洞口多怪石
玲瓏紋如刻畫其最高聳者謂之崧臺抵暮還舟潘
生為予言端硯近無佳者成化中羚羊峽出奇石嫩
軟如肪以刀剝之方圓隨製迎風乃堅有文成花卉
禽魚之狀綵色爛然土人爭掘取之往往崩崖所壓

守臣封之今不可得矣按硯譜論溪硯以子石為上
子石者生大石中色理瑩潤蓋石之精者也未聞有
嫩軟如肪者豈精粹之極殆石髓與硯以注水不耗
而發墨者為佳鸚鵡眼為真今之有眼者不少矣而
不耗發墨者難得也廣○辛巳發清遠三十里過中
宿峽登飛來寺寺前山水迴帶竹樹陰森彷彿巖瀨
後倚高嶺石梯百餘級飛泉淅淅下叢薄中俯視江
流僅牽一線爾唐李翱詩云○一水遠赴海兩山高
入雲許渾詩云○水曲岩千疊雲重樹自層者信也
是夕宿太廟峽口壬午至瀘陽峽風雨不可度泊峽

口宿焉峽中有抄子灘牯牛石爲舟檣之厄故諺云
過得牯牛抄子灘移書歸去報平安謁張文獻公余
襄公祠戊子發曲江過帽峯山山圓如首有亭據其
顛若篋笠之狀往嘗與吳汝瑩登焉旋覽遼曠下有
九成臺傳爲虞舜奏樂之所此去沅湘九疑之間尚
六七百里山川隔絕安得有陟方之館哉壬辰鄭君
邀予登北城樓爲予言去此三十里山中有楊歷岩
竒峯怪石飛泉瀉空空明可賞也甲午早發保昌過
鐵杖樓隋時有麥力士者能操鐵杖四十斤日行五
百里爲汝南太守群盜屏息故以鐵杖名之其子孫

尚有存者午度梅嶺嶺南多古松合抱者云宋漕漣
使蔡抗所植嶺頭厓門對峙僅容兩騎漢初南越以
此爲界史言越相呂嘉函封漢節置塞上即此地也
自九齡既鑿而旅人遷客往來南海者悉由此行成
化中知府張弼伐石堯路民益便之爲之歌曰梅嶺
路二張關前張張九齡後張張汝弼遂登鐵漢樓張
汝弼所建以劉噐之故環覽郡城銳若魚形故名魚
城也丙申暨汝賢遊東山寺寺去城里許石徑盤曲
林木叢森趣頗幽雅山半有泉可引爲石床九折流
之作亭覆焉西江○甲辰過泰和會知縣王春復縣廳

名山記 卷之三
有明德堂三字文天祥所書也連過峽江新淦二縣去峽江四十里爲玉笥山道書所稱十七洞天八福地者是也時月色晶輝平江玉瑩順流而下客思飄然初更過大洋洲秉炬謁水神英佑侯廟俗稱蕭老官者是也蕭氏世家開封宋咸淳間蕭蘭芳者其父爲吉州刺史卒葬此洲因家焉已而蘭芳以神道顯於鄉曲奉爲水神永樂中裔孫蕭大任復以神顯啖白石一拳端坐而歿其後鄉人旅江湖者往往見之遇風波禱之即息時遣中官下西洋取寶物遂奉以行舟楫利涉 文皇帝嘉之封英佑侯而景泰成化

中累有諭祭其遺骸以木桶盛之貯廟東廡江湖傍人無弗崇信之者子孫繁衍數百人云夫神恠之事孔子不語然不可謂絕無也若蕭侯者獨非神且怪者哉壬子至貴溪會江子春爲予談龍虎山之勝也峰巒削立高出雲表兩厓對峙虎踞龍昂洞中有房室窓牖床榻倉廩棺槨鷄犬禽魚之狀道書所稱三十二福地者是也乃漢張道陵修煉之所其子孫世襲真人之號云其南爲鬼谷山道家所稱十五洞天是也詹汝化爲予言少華山之勝巔麓相距五十里巒阜疊發狀若芙蓉登之可見彭湖也懷玉山亦其

名山言
枝帶云庚申至常山會知縣吳襄去縣二十里產錦
川石卓立一二丈斑駁如錢偶雨頃霽夾道皆柑橘
渥翠彌望金子纍纍古稱江陵千頭可與封君等信
然途中望爛柯山相去可二十里道書所謂八洞天
者是也

遊桂林諸巖洞記

明 董傳策

余閱宋范穆公成大桂海虞衡志見其評桂山之奇
稱為千峰崛然特立旁無延緣而玉笋瑤簾其森列
恠且多若此當為天下第一私竊意其為過言乃今
來遊桂林觀諸峰巒巖從平地削出數百千丈不
假纖培而骨相嶄然玉立劔峙衆態畢呈或半空開
竅冥搜詎測或挺拔天表登頓無階其奇恠奪目驚
心殆不可具狀昔人所論列猶為不及云

渡左江諸龍記

明 董傳策

九月十三日出蒼梧登閱白鶴觀暮泊羅洲灘十四
日渡藤縣萱洲縣產柗蛇釀蛇酒隔江數里為洲洲
有孤村其氓採熬黃藤膏點火眼暮泊大灣自此入
大藤峽韓襄毅公征蠻時斷藤處也十五日渡白馬
十二磯暮泊白馬堡十六日渡黃婆五龍諸灘午抵
平南復渡大小黃岡諸灘暮泊牛石堡十七日渡銅

名山記 卷之三 四四
鼓灘自出蒼梧通海潮其龍水多濁不類湘桂清流
至是水分兩大支一入左江一入右江云午抵潯州
王叅戎夏尹諸官人訪談銅鼓之險暮泊前村十八
日風泊十九日渡浪灘吳子選日到橫槎遽并力先
刺船去暮泊石門自蒼梧來鬱蒸不異盛暑至不可
衣單衣而搖櫓人裸裎袒裼猶汗流浹背至是忽雷
聲震烈雨大作如注頓覺瘴氣踈爽人至穿夾襖子
云二十日雨泊二十一日渡大壬灘時風雨猶颯颯
不止秋氣蕭然江中峭無行船岸多叢蒿其路通諸
蠻洞雖逆流不可挽纜惟以篙櫓施中流焉暮泊石

龍岡猿聲清淒孤舟雨夜不能不攪離人臆也二十
二日渡貴縣馬騮諸灘暮泊六村埠二十三日渡大
急水小急水四層諸灘舟子云其境多剽寇暮泊鄉
江二十四日渡大銅鼓馬槽烏蠻龍門泥壁諸灘而
烏蠻尤險灘流駛處噴如匹練中突巉巖亂石作澎
湃旋舞狀迤邐幾三十里是日風順舟子猶努力撐
鐵頭篙雖陰霧中至汗透其衣自辰至申始克達云
灘上有漢伏波將軍廟舟過者必謹謁祀余作詩弔
之云○志託風雲堪躍馬身依日月尚還珠蓋難其
遭也於時鷓鴣倒掛諸異鳥啼聲徹耳老榕蟠腫祠

畔令人益增悲歌感慨之思焉二十五日渡黃泥苦竹諸灘因憶鄉人贈行詩○落日玄猿啼苦竹秋風黃葉下烏蠻實境語也午抵橫州晤吳子相與話橫槎風景因入訪其旅舍署州陳節推君携酒過飲暮泊橫江二十六日天始霽辰發橫江渡上下三十里灘暮泊蕭李埠二十七日渡磨麪諸灘野泊二十八日發數里抵火焰有雷埠磯風勁甚不可渡遂泊二十九日風泊三十日晦晨發渡老鼠洞諸灘泊十月一日朔渡永淳其令朱君挾鄭博士追送自此而上水稍平二日風泊三日渡伶俐水入宣化界起視其

境殊荒落多出異竹木數十種至桄榔木木類竹尤奇野有胡蔓悶陀羅草能毒人村墟市果菜及擔負行者皆婦人蓋其俗如此

桂州訾家洲亭記

唐 柳宗元

大凡以觀游名於代者不過視於一方其或傍達左右則以為特異至若不驚遠不陵危環山洄江四出如一夸奇競秀咸不相讓徧行天下者唯是得之桂州多靈山發地峭堅林立四野署之左曰灘水水之中曰訾氏之洲凡嶠南之山川達于海上於是畢出而古今莫能知元和十二年御史中丞裴公來莅茲

邦都督二十七州諸軍事盜遁奸革德惠敷施暮年
政成而當天子平淮夷定河朔告于諸侯公既施慶
于下乃合僚吏登茲以嬉觀望悠長悼前之遺於是
厚貨居毗移於閒壤伐惡木荆與草前指後畫心舒
且行忽焉若飄浮上騰以臨雲氣萬山面內重江束
隘聯嵐含輝旋視其宜常所未覩倏然互見以為飛
舞奔走與遊者偕來乃經工化材考極相方南為燕
亭延宇垂阿步磬更衣周若一舍北有崇軒以臨千
里左浮飛閣右列間館比舟為梁與波昇降苞灘山
含龍宮昔之所大蓄在亭內日出扶桑雲飛蒼梧海

霞島霧來助游物其隙則玩月檻於迴溪出風榭於
篁中盡極其美又益以夜列星下布顯氣迴合邃然
萬變若與安期羨門接於物外則凡名觀游於天下
者有不屈伏退讓以推高是亭者乎既成而燕懼極
而賀咸曰昔之遺勝槩者必於深山窮谷人罕能至
而好事者後得以為已功未有直治城挾闌闐車輿
步騎朝過夕視訖千百年莫或異顧一旦得之遂出
於他邦雖博物辯口莫能舉其上者

太極洞記

茅坤

予放舟陽朔江上繙觀之其峯石皆拔地而突立最

高者四千仞有餘其次則足可三千仞又其次或百
丈或五六十丈最次則三四十丈焉止矣其色如蒼
青深者如靛文如魚鱗總計一百八十里排衙列戟
目之令人神思飛越中流偶覽石壁竒瑰異常見伐
鼓鳴鐃而前行者忽焉而入崖忽焉而遡波以故追
踪躡跡泛漁舟探之乃得一洞可方十餘丈小可數
尺其游儵稍稍見也俄而赤腳沿岸以入又得一洞
豁然當天而竅日光射人且穿上羅下焉方數畝水
可十餘尺而漁人網魚而出者盡滿囊也予前問之
曰是何魚之夥也漁曰茲洞既邃與人間絕故左右
之夷與關里兒童並不及過且水源深故所聚魴鯉
數多我輩得以數取之予同王使君拊掌大笑因名
之曰太極洞

